

武夷山志

武夷山志卷之十二

武夷董天工典齋編集男勣校刊

溪北

天遊峯接五曲茶洞之清隱巖削崖聳起仙掌峯居其西
仙遊巖居其東三峯下合及頂始分而是峯高拔群峯之
上溪山全勢一望而收爲武夷第一勝地諸處皆不能及
〔天遊觀〕天遊峯頂宋道士劉碧雲張希微建續有張虛
一居之明正德時藩叅蔡潮稍擴其宇嘉靖五年冲佑
道士詹本初復創修之

〔一覽亭〕觀前南向踞萬仞之巔臺臨崖畔初名嘯臺嘉

靖間並指樊獻科建亭其上曰仙掌亭厥後臺易今名而亭亦名一覽亭天啟間督學葛寅亮復改建其亭曰天遊閣登此一望則九曲若遊龍夭矯蟠繞山中卧龍潭平林渡及老鴉諸灘皆指顧得之其頂俯瞰千峯如林最近者隱屏玉華接笋駢立於前類筆架稍遠爲晚對數峯又遠爲虎嘯諸巖層巒叠嶂拱向旋歸而大王鼓子爲輔弼最遠外山齊雲峯當其正南翠色青葱高連雲漢星村一帶烟樹滿川悉平收於欄檻間臨眺之頃心曠神怡莫不嘆觀止矣

〔純陽祠〕一覽臺後明督學葛公寅亮以巳祠更祀呂仙

者有記

〔太虛亭〕一覽臺後國朝康熙四十五年崇令王梓建自亭稍進有碧雲亭今廢

〔三清殿〕天遊觀正殿也殿後日宣經樓其右又有竹波

樓可俯瞰胡麻澗觀多名人題扁附記於此 天遊

力 〔兜虛御風〕沈微 天遊閣 葛寅亮 一覽臺 韓士

最勝 昇雲駐鶴之巔 二扁俱張瑞圖

路徑一從天遊嶺登仙掌峯背降嶺經崎嶇止渡胡麻

澗石橋循澗及觀一從止止菴後踰鐵板嶂經昇日峯

下由金井澗陟嶺達天遊壑隨胡麻澗而入一從赤石

鷄林至玉柱峯下入清涼峽經山當過立壁峯石峽亦
出天遊臺至觀

純陽祠記

明 葛寅亮

往予入閩爲探武夷之勝躋天遊斬然陡絕下臨萬仞
接笋三峯巍我卓立于前千巒擁翠九曲環碧凭欄極
目飄然有遺世獨立之想因念諸仙中能度世者惟純
陽最欽祀于此而堯宇座設計須改拓比至三山日以
潯河跟踏泥濘中無暇復理前緒偶武夷諸生爲予說
經有省築書院于茲山而次引分園訖可小暢民亦協
志焉予聞慙然懷愧亟止之則已茂材鳩工有成績矣

乃議改建天遊而祀純陽子于上以成予不居之意夫
純陽子爲唐進士曾令潯陽乘官入道脫易塵寰之外
而予鷄肋一官尙縷韁鎖其可溷此名勝而不以居至
人哉蓋其神揮斤八極而度世應化每落人間藉茲瑤
島在目武夷君爲紹倫亦翩然戾止而來游來憩乎予
生平不喜作自了漢亦于宰官中欲行度世事而自度
未能祇覺履茲勝地瞻彼哲人爲之憬然而繫想也乃
諸生猶以初念不可泯欲肖予于後堂予業以荏苒風
塵望山靈而遜謝矣慮或別有新嚮者丹堊之飾併爲
置之其敢曰孺子可教也而請從而後乎

詩

天遊峯

元劉 遺

紫翠飛來石葢間何年幻出小瀛寰
崖懸瘦瀑一千丈峽束寒流八九灣
蒼壁向人如有待白雲何事未知還
酣歌更挹浮丘伯坐對中臺話半閒

題天遊觀壁

林錫翁

遍覽溪山最上頭琳宮貝闕更清幽
雖然未得長生訣也道曾從天上遊

又

陳元英

琅玕瑤草滿空山月上丹臺鶴未還
夜入瓊宮襟袖冷始知身在白雲間

再宿天遊觀

楊士輝

石磴穿雲躡翠苔
昔年曾記此中來
乾坤一覽群山小
河漢分流兩道開
巖鳥啼風秋已老
野猿啼月夜尤哀
凭高不盡古今意
霜鬢蕭蕭行色催

登天遊峯

明張時徹

絕壁巖崎路百盤
凌風獨上駕青鸞
山人自飽青精飯
野客新裁紫萼冠
千澗流霞迷谷口
萬峯飛雪灑雲端
金鷄玉女知何處
芝草瑯玕白日寒

登天遊峯和韻

施可大

萬丈丹峯登百盤
白雲深處控飛鸞
不須仙侶吹龍笛

自愛山人老鵬冠絕澗鳴泉穿石罅深林翔鶴舞雲端
妙高臺上星辰近身世渾疑在廣寒

宿天遊觀

徐湖

石磴捫蘿天上遊琳宮獨宿夢魂幽孤峯咫尺通霄漢
九曲清冷漾斗牛光透疎櫺星送曙涼生小簾露驚秋
虹橋望斷無消息月色溪聲自一樓

又

邱雲霄

隱屏日薄孤亭晚處處濤聲起翠林雲濕萬峯寒錯落
月明長壑獨馮臨山中歲候青鞋老天上樓臺紫霧深
幾度武陵迷路客桃花流水亂春溈

泛舟至六曲上天遊止宿

商梅

舟行九曲尙留三但遇幽奇卽坐談看向山前忽山後
泊從溪北復溪南烟浮亂竹迷春徑日落殘鐘起暮嵐
且到天遊峯頂住明朝勝處復同探

天遊晚眺

鄭大同

輕輿斜日上高峯瘦竹疎花萬壑風獨鶴一聲松影亂
月明人在白雲中

天遊觀

金玉贊

萬疊蒼崖俯碧灣凌霄臺殿隔塵寰逍遙卽是神仙宅
徐福空求海上山

又

沈仕

僊登雲峯上星宮斗極邊地疑開五嶽身似出三天日
月丹階轉烟霞翠檻懸桃花遺漢世鶴馭隔秦年未寡
超真數應多聞道綠虹橋能再駕引領願朝玄

又

徐璣

高臺獨上翠千重吹散嵐烟有鐵龍地種三花元漢時
門扁五粒是秦封雲邊螺髻層層結雨後蛾眉點點濃
倚徧危欄遙極目九環衣帶束芙蓉

登天遊峯

謝肇淛

玉蕊丹砂不可逢且覓雙屐問仙蹤懸蘿絕磴無飛鳥

亂竹空山有斷鐘
壑底雲陰奔似馬
洞前松樹老於龍
月明夜半吹笙罷
人在蓬萊第一峯

重登天遊

曹學佺

孤峯迢遞蒼崔嵬
有客凌風駕鶴來
九曲擢歌隨水轉
諸山雲影接天迴
澗邊紫府朝元磬
鳥外層梯禮斗臺
幾度步虛探寶籙
仙人掌上剔莓苔

夜宿天遊峯

屠隆

百年苦拘攣九州
何湫隘駕言遊
名山輕舸溯洞瀨
振衣岡巒巔垂足
藤蘿外人情欲怖
狂吾意始愉快一
登天遊峯魂氣陡
遐邁羣真紛來迎
衆山頽羅拜大地
渺

若拳滄海細如帶誰謂火宅鄉別有清涼界片石擁翠
螺長松偃蒼蓋疎磬鳴殘陽罡風奏靈籙夜深山轉空
境寂神彌忼宇曠下仙韶崖陰起光怪路通玉竈梁泉
接銀河派鈎陳肅以低帝座儼如在相戒無笑呼咫尺
聞磬嗽頂禮淨焚香冷冷發梵唄

又

道人好道復耽幽登陟言從五曲流絕頂輕車行日馭
中峯獨夜宿天遊黛含山色千林暝浪捲松聲六月秋
齋沐焚香初謁帝頓忘下界是神州

登天遊

顧錫疇

衆峯俯在下直與白雲親此身如太虛誰遣以爲鄰

登嘯臺

龔用卿

獨上高臺俯萬峯飄然雙袖舞天風丹山碧水烟霞迴
身在蒼冥杳靄中

天遊望雲海

方以智

誰將一紙覆滄洲幾點青螺浪裏遊
築立三山聊架筆
榜歌九曲許藏舟浮杯正可誇懸渡倚檻應須在上頭
東湧紅輪開幔後米家烘染半窗收

登一覽臺

錢秉鈺

聞到天遊客罷遊果然此踞最高頭方知曲曲山迴轉

合使峯峯水抱流丹碧
縠中通估舶烟雲破處墾田疇
權歌不向前途去一覽臺邊已盡收

登天遊信宿

康萬駒

溪回九曲望中收一覽危亭最上頭
水下懸崖衝石立山浮雲海趁潮流
天風送雨千林濕夜月生寒萬壑秋
彷彿時聞環珮響應知仙子步虛遊

天遊觀

傅汝舟

衆壁群峯夾路生百花千竹引人行
膜蟲食葉聲疑雨澗碓翻泉響似更春
在客中偏易暮世於方外亦難輕
因思小小遊華洞搖落他山空復情

又

周之瑛

蒼崖層折玉虹流六六群峯一覽收黃耳卧雲丹灶濕
青精餉客茗旗浮星如可摘霄疑近鳥亦聲聲巖更幽
莫向昇真問仙蛻人間原自有蓬丘

寓天遊

明張中

卜得南山門又西門前鳳字許誰題知無雪糴來旋返
縱有漁郎到亦迷一帶從前多種竹三餐以外又蒸梨
清陰飽飯成何事只解看雲聽鳥啼

夜宿天遊觀

衷秋月

琳宮縹緲萬峯巔呼吸遙通帝座邊種就桃花千歲碧

採餘芝艸五雲鮮
漸看新月臨瑤砌
無數清歌起西船
爲問道人容結伴
日從鸞馭禮真仙

過溪至萬年宮歷舟上天遊二首

鍾惺

正壑最深處不離衢路間
靜喧爭一渡次第入諸山
流去峯相顧舟停石所攀
回看溪未遠車馬幾澗閒
登山從此始此理有難言
一棹散將沒孤峯影若存
不須將某處定以爲何源
曲直成單複牽攀變客魂

月宿天遊觀

靜者夜居高觀開自超
遠竒光被形神所照皆如潯
艸樹與溪山共此烟霜晚
立身仙掌上接筍峯初偃天月

如逝波悠然何時返晝淺夜復深萬象戎戎短燭聲起
一隅千山萬山滿虛衷憶忘一遺物偶興賦

陪卓真初老師天遊觀宴集

暨慶

不作登臨想翻從杖屨遊峯環疑地縮水曲恍杯流小
洞斜穿竹層崖更設樓坐遲山月上清碧一聲幽

待月天遊閣

徐時泰

黯淡今宵月凭欄且夜分畫圖宜隱見烟靄互氤氲遠
火林中出疎鐘巖下聞自然幽意愜不用掃浮雲

登天遊觀

周世臣

天遊之峯危接天振衣直上萬仞巔平眺六六衆峯盡

白雲呼吸時往還下臨平溪繞山麓水光如帶空塵目
高出飛樓坐翠屏緯以蒼蒼數竿竹樓頭仙人但聞縹
渺吹玉簫我憑石欄數群壑魂氣豁達無繁器箴冠羽
士眞落落烹薇餉客傾瓊酪置身早弭霄漢中何用尋
仙乞靈藥

登一覽臺

國朝 李 瞰

從來山與水各自有妙致源泉愛潏潏奇峯愛蒼翠山
無水不靈水無山不媚高深遍寰區絕少兼其二又常
事登臨探歷志不遂豈無止壑奇亦有幽深異變幻各
化工零星難其萃此來上天遊一覽可人意三三山內

流六六水中置交錯十五里盤結非容易晨夕景不同
陰晴賞宜脩一來不能去心與秋光醉今宵白雲多恨
少半月霽坐人投匡床輾轉難成睡

再宿天遊看月

昨宵我待月今宵月照我無月夢不成有月睡不可月
色萬象清夜氣四圍裹鼓聲遠接迤溪響右連左山腰
橫宿霧山頭艷野火七碗香不辭一杯醉亦頗此山固
絕少此夜安能夥此夜看此山要於此地安坐久生微
涼添衣復來坐

登一覽臺

雷鉉

緩步躡危巔天遊足徜徉一亭收衆壑曲水轉孤航鳥
語山嵐遠松聲日午涼茶留仙掌氣飯帶胡麻香妙道
無方體太虛接混茫隱屏相對處秋月傍匡床

夜宿天遊觀

江 舉

千盤曲徑問天遊昏夜纔登最上頭雙屐暗穿雲裡屋
一燈微透竹間樓諸峯弄影爭相揖虛谷傳聲靜欲流
襖被自携防露冷今宵容我卧丹丘

天遊峯

黃良佐

梯雲遙極日恍出界三千峭壁臨深壑危峯插半天一
泓紅浴日數曲碧生烟更逼重霄上飄飄直欲仙

宿天遊作

潘耒

夙聞天遊奇今識天遊路
胡麻澗裡曲磴藏仙掌
峯巔孤閣露地高復在山
中央俯看群岫兒孫行
九曲溪環盡繁折三台
峯對無低昂我來恰值
風日美落照層層見
蒼紫須臾皓月行空天
白浸千巖淨如水土主
好事携尊來一掃萬古
塵襟開濯魄冰壺不知
冷天風載我浮蓬萊欹
枕不成寐喔喔天鷄聲
披衣推戶觀落月寒烟
漠漠埋山平鴻濛天地
不辨色但聞溪灘流水
鳴琮琤東方日高嵐氣
伏漸漸峯尖露微綠忽
濃忽淡皎綃橫乍合乍
開波浪感飯罷遊雲始
盡除山川揭露轉清

雁佳士彈冠新沐後美人櫛髮曉粧初六六奇峯甲閣
嶠獨有茲閣領其要四時明晦相相宜兩袖清襟盡靈
妙雲海今朝成大觀何當終歲此盤桓未飲刀圭先換
骨此身已在白雲端

天遊一覽亭

蒼山峻出勢噴吼一上危亭眼界寬坐處不知身萬仞
到來唯覺路千盤飛泉響落晴疑雨古木陰濃夏亦寒
善畫也應難着筆奇峯盡日倚簷看

一覽亭觀雲海

方正珍

萬仞峯巔控十洲蒼寒曉色浸雙眸霧鋪海市山如浪

堅湧雲潮屋似舟地底水穀懸溜下檻前林影半空浮
平原遙指遊人處縹緲乾坤無盡頭

一覽亭二律

王梓

溯洄過五曲高觀一登臨杳靄群峯小廻環衆壑深
新晴閒案牘野興事幽尋倚檻狂吟後名山信古今
飛樓眞縹緲一覽俯危亭帶日溪流碧連天樹色青
巖鄰接笋仙掌對雲屏指點談名勝凌風跨杳冥

信宿太虛亭

啟豁疎櫺四面開披襟倚檻興悠哉月離滄海清光滿
峯接高旻爽氣來無復仙人遊碧落何曾玉女向瑤臺

夜涼一枕羲皇夢欲問華胥勝境回

天遊觀

董天工

絕壁噴虹冲漢開山僧禮斗近三台
鐵龍噴酒嵐陰黑白鶴翻飛紫氣
噴午夜敲希鼓玉磬清晨氣爽步仙臺
世人欲學長生訣曾到天遊遊幾回

登一覽臺

奇峯突兀起高臺遠望平收疊翠堆
一水潏環流曲曲諸山拱揖景枚枚
月臨萬壑浮虛白雲暗千林鎖綠苔
倚檻不知塵世界置身恍若在蓬萊

一覽歌

方以智

南北奇峯數不足溪邊見者三十六百尋削鐵無寸土
拔笋成林染青綠丁香鬼面蟹爪絨李成郭熙皆遠想
從來圖畫恨俊孟凌空倒景難傳真我乘竹筏至其下
流峙相鮮應接暇崖觚嶂用爭擎雲魚龍起舞鸞鷟駕
乃登天遊一覽亭仙掌玉華扶隱屏胡麻剝水茶洞傾
忽然粉碎蓬萊青峯盤髻皆可上栖身避亂兩無恙
接梯負米不言勞烟嵐簇擁巢居壯南遊虎嘯一線天
兜鑿玉版環沸泉北則水雲與水簾馬頭鷹嘴鐵郎穿
東則獅子王幔把溪口西則鼓樓三教收平川最高三
仰碧霄洞蜂窩衆峽行長屏桃源火焰雙石門倒水分

溪各相送此山崛起一百二十里中流白獸成壁壘勿
令茅塞奇山水不覺墨酬伸五指請看懸崖試人誰過
開問取拄杖今朝閒

天遊觀歌寄祝造庵王明府

國朝 朱羹尊

昔我登武夷勝絕天遊觀諸峯羅局下一亭表天半水
紋斷續流石骨陰陽判葉簾茗椀不外求谷鳥林猿迭
相喚老夫高尋筓雨眸坐久懶下崎嶇正夕陽滿樹嵐
翠浮白雲忽起山之幽澗更蓬蓬漲崖壑仰視井甃參
旗收恍如置我不繫之虛舟蓬萊方丈海外州天雞乍
唱旭旦旦依舊列岫相環周想思此地神物怪疑詎可

測願爲道士驟駕白鹿騎青牛年今八十行嘆復坐愁
安得九節竹杖扶我重上仙掌之峯頭聞吹鐵篴弄明
月乾魚籠作長勾留邵陽王子今爲宰詩思潘江文陸
海仙才自合治仙山一鶴一槩恒並載權歌九曲和元
音逸韻清銚音欸乃書院琳宮次第新陳丹暗粉更番
改畫簾暇日攷圖經祠祿題名舊章在騷人初度先春
期玉梅早發珊瑚枝邑人躋堂齊介眉頌侯戡穀無不
宜三漿十酒樹滿卮亦有鼓板兼歌師當筵莫奏賓雲
曲明府自有白雪陽春詞

天遊放歌

王梓

武夷之山真奇特三十六峯勢劣削九曲灣環碧水流
琳宮瓊宇壯雕飾神仙窟宅自古傳曾孫曾預幔亭筵
後人按圖尋舊蹟恍惚滄海變桑田簿領重縈越半載
時望名山生感慨春風晴日快登臨縱目四眺饒勝概
百丈飛泉下嶄巖山鳴谷應聽不厭幽深古洞人難到
瀑布千秋障水簾晚對接筭與大隱參差危峯列遠近
鈞窈玉女聳青霄天然結束無脂粉平生游興恣遨遊
舟車跋涉徧九州天柱匡廬并泰岱千奇萬態肆冥搜
我家太華山之北清渭黃河帶西極十年載筆賦登樓
日夕飽看青山色名韁利鎖苦驅馳在苒年光鬢成絲

未遑謝傳東山樂且步朝川
畫裏詩興劇還將濁酒酌
山雲變幻閃復灼微酣爛熳時徙倚不覺沉沉西日落
高頂呼吸帝座通探奇偶來世綠空卑栖那得比稷契
何以破浪乘長風

妙高臺自天遊觀後又登一巖也萬曆間藩叅王民順
建亭其上曰聚景亭後程侍郎文德易扁曰萬峯亭人
圯麻城周刺史思九復建天均亭又名勝覽亭亦廢
振衣岡自妙高臺後山脊漸衰而東乃三曲仙遊巖之
頂也岡上有仙遊館三友堂森天閣故址稍東下小坪
爲如臯明經李尙墓仙遊雖隸三曲然森天去天遊咫

凡遊人必自觀後進若三曲則陡壁無徑耳

仙遊館舊名晞真館紹興末漁人得石刻於水中上有仙遊二字旁題子真書因易名仙遊館今廢

三友堂萬曆間督學耿定力副使鄭邦福僉事李琯三公同建以廢

森天閣即三友堂址崇禎十一年巡按張肯堂建今亦傾頽惟原題森天閣扁尙存

記

三友堂記

耿定力

三友堂在天遊峯最高處上饒鄭子豐城李子暨余三人同官於閩庚同志同故名三友鄭子冲夷立遠李子

慷慨且諒皆雅負當世才善談名理余所不及然二子
不余棄也先是李子捐俸構堂列三人者各姓迨余遊
九曲鄭子寓書勉以內照夫以我觀物物物皆我離境
索照照照者誰鄭子必有味乎其言之也鄭子時佩諸
道印簿書旁午剴割有餘閑意仙仙如也李子業已挂
冠武夷歸問雙劍故處余不佞茲將與二三子邂逅津
上幔亭言念兩君不勝山河之感不暇卜劍合何年矣
嗟夫昔人指松竹梅爲三友今孤壑聳巖亭亭獨上其
豐城大夫耶乃鄭使君猗猗好修君子揮塵談玄清風
時來襲人不佞婆娑鬢雪侵矣歸向楚黃萬山中種梅

數株稱和靖後身差不辱兩君子且以謝山靈云爾堂
前有亭爲余鄉周柳塘先生所創桐城張子重葺之亦
吾友也

詩

泛舟至晞真館遇雪二首

宋 李綱

行到清溪六曲頭森然峯岫照人幽雪花拂水輕輕舞
石瀨依巖淺淺流不盡清光長在目未窮幽興且迴舟
追尋欲遍神仙窟須向他時卜再遊

雲散天開一餉中依然飛雪落層空瓊花巧綴巖端樹
玉骨飄隨洞裏風溪淺且遊仙掌石雲深不見幔亭峯
斯遊清絕平生少圖畫方知未是工

記舊夢并序

余今夏夢乘舟行亂石間四顧峯巒奇秀有如玉
色者覺頗異之及請官劍浦道武夷山小舟溯流
水落石出徧覽勝槩至謁真館雪作巖石皆白恍
如舊遊然後信出處之分定而斯遊清絕已先兆
於夢寐雖欲不到不可
得也作小詩以紀其事

清夢先曾到武夷萬山如玉倍幽奇而今帶雪尋歸路
恰似翛然夢覺時

同詹明誠傅茂元遊謁真館有詩因次其韻

劉子輦

橘柚垂紅古觀秋歸途邂逅得尋幽晴莎散策隨山遠
夜月回船信水流勝處無詩端可恨他時有酒更來遊

相倍二妙平生友老矣襟期共一丘

〔胡麻澗〕自山當一帶曲折而來經竹山麓天遊壘出仙掌天遊兩峯頂際從一覽臺右崖畔瀉下卽茶洞雪花泉也相傳曾有胡麻飯自澗流出故名

〔仙掌峯〕在天遊峯右穹崖墻立高聳天際橫可半里許峯半有類掌痕者數處淋雨則奔流自峯頂匏下積火燄成輻輳若素練垂垂俗呼爲晒布巖各雖未雅其景最奇峯背有勒字曰峙嶠坵又有洞曰剪雪洞上有庵曰仙掌庵今廢

〔仙掌山房〕仙掌峯頂國朝明經彭椿建

闕

仙掌峯

宋白玉蟾

仙子捫蘿上翠崖
崖頭舊有煉丹臺
至今石上留仙掌
十指春蔥積綠苔

又

元林錫翁

漢武昇遐幾度春
金莖事迹總無聞
懸崖更不承朝露
空印纖纖十指痕

又

蔡哲

六曲雲屏不可攀
綠雲千頃鳥聲閒
懸崖亦有仙人掌
何必騎驢入華山

又

明李朱明

形留絕壁自天成
雲淨風迴分外明
沆瀣餐餘仙子露
浪傳消渴問金莖

六曲有仙人掌

勞堪

嵌壁仙人掌亭亭出
絳雲頭得仙人掌
露往獻萬年君

仙人掌

國朝陸廷燦

高擎隻手豈尋常
欲撥浮雲自激昂
閱盡古今無反覆
好同華嶽捧天章

石門巖仙人掌峯前橫
亘一嶺盤迴而上爲登天遊之路
日天遊嶺嶺半有巨石與峯相倚若門
石壁刻天遊門三字後署東廊書又上半里許有半山亭康熙四十七

年天遊道士建陽盧諤龍建通嶺石磴或鑿或砌凡數
千級皆其所修嶺底地名棕坪明袁州太守李公時與
堊此有碑記

詩

石門巖

明
聞人詮

泛盡清溪意未厭萬松深處躡雲根携筇漸入層霄去
始信通天有一門

水雲寮石門巖前宋游文清公九言築久廢

立壁峯仙掌峯右屹立如堵又名小天遊

橘樹澗來自立壁峯右循天遊嶺而南出仙掌蒼屏之
間投溪處名曰馬蘭洲

詩

橘樹澗

國朝曹選

橘澗徘徊遠曲灣山中嬌鳥語關關月明花影常相亂
空谷留春伴我閒

山當巖

山當庵

進橘樹澗踰小嶺兩崖夾徑中有田數

十畝地名曰白葉窠迤邐至巖下疊石爲門流爲池
庵之舊基猶在亦名仙山庵背負三仰居四峯環抱之
中亦一勝區也嘉靖間曾重修今以廢

詩

山當庵

明吳棫

流泉何處來更進十餘步幽竹搖澗端群芳失前路鳥
啼風滿裾雲隔山如霧靜言愜有得少坐多獨遇是以

守真人得地爲至務

蒼屏峯 橘樹澗西方正如屏東西與石門巖對立其背爲小桃源而南北相對則溪南之響聲巖也峯之下有蒼屏道院宋鄭簡堂建今廢又有茶隱寮接笋峯道士金象建

詩

蒼屏峯

元林方

顛顛霞佩人蹢躅峭壁凌層駕紫煙天下名山無此境
世間何地更尋仙雲迷古洞還丹室鶴護仙家種玉田
我欲携書來此隱蒼屏峯下弄雲泉

蒼屏峯

明彭天祐

步隨流水入蒼屏隔樹山花遠笑迎一片浮雲閣春雨
天風吹作萬松聲

小桃源自蒼屏北廊之間遵小澗入深谷里許石崖相
倚成門門數曲折澗自門出名松鼠澗橫石爲砥復巖
石登宛轉而入窮極幽深其內忽平曠田疇可一二十
畝四面環山南爲蒼屏北爲三層東爲玉版西爲天壺
北廊桑麻廬舍儼然村落而旣入其中回顧若無門徑
人擬之武陵桃源故名宋儒陳石堂普明高士吳正理
皆隱居於此

陷石堂在桃源洞裏因陷沒石堂寺而各自五代唐

天成中由茶洞移建於此朱天聖二年一作明道元年爲雷

雨所陷嘉靖初重構數椽於旁亦廢初入小桃源亂

石磊砢即其地今石罅中尙有銅佛像可見不可取

劉文簡祠**三元庵**俱在小桃源祠爲元時建祀劉文

簡公燭火廢或曰庵即祠址改建內有雲石堂庵旁

有金磚石下有泉名金磚泉極甘冽高地尺許土人

謂之高泉

詩

小桃源

宋

劉子翬

桃花深處蜜蜂喧山近前峯鷄犬村若有胡麻泛流水

武夷轉作武陵源

又

唐 復

遠尋瑤草到仙家
衝破雲間一片霞
道士不知興廢事
又來溪上種桃花

又

元 雷 機

流水飛花意若何
人間歲月兩蹉跎
漁郎解覓桃源路
不解溪頭覓樵歌

又

明 陳介夫

溪行四五里
漸入小桃源
曲澗穿松塢
危橋度石門
桑麻三月雨
鷄犬幾家村
倚樵探幽勝
脩然隔世喧

又

林堯俞

靈異迴難尋
聞雲鎖翠岑
到門危石倚
入洞小橋臨
衣服居人別
桑麻閱世深
殷勤謝漁父
相送出花林

又

陸 鏊

谿窮石隘迴
聞泉小澗斜
通別有天
百畝桑麻渾
帶雨數家鷄
犬靜
紫烟峯峯環
抱雲客嬾
樹樹蕭森
暮景鮮何必避秦
忘歲月此中端可挾飛仙

又

馬 欵

重陰綠樹抱孤村
一片春雲濕石門
莫是劉郎樵採路
桃花流水送黃昏

又

袁 庭

武夷亦有武陵源洞口桃花隱石門乘興嗒然迷去處
桑麻鷄犬自成村

又

錢行道

十里清流兩岸山紫烟紅樹鳥關關重來猶恐仙源誤
須記桃花第幾灣

又

鄭郊

留連萬山中忽入花村裏比鄰鷄犬聲緩風吹牛耳
嗒然失所從徘徊遠瞻視石罅露空明後心澈石髓獨未
度凡踪桑麻乃如此

又

閔齡

曲欄密通津桃花夾岸新源幽迷釣艇洞皆隔仙塵桑
柘秦分畛衣冠漢制民孤邨人代異彷彿武陵春

尋小桃源

高 澂

陷石撫遺跡側身入平林小橋橫絕澗流水如瑤棊矯
矯雙鳬舄行行覺山深深山無雜木碧桃盈路陰

遊小桃源

林弘衍

逶迤入山路路塞山復通援木而溯澗步於叢腹中忽
然別一境田疇多春風居民如太古農圃安成功桑竹
相迷密烟岫圍青葱桃源昔何似此中疑與同泉間與
松際笑樂皆村翁於茲長日月塵世羞樊籠

小桃源訪劉道人

吳 拭

崢嶸入陌石石徑轉逾窄劃然洞門開斜光一道白龍
湫流暗穴鳥篆繡苔額窮源有古村二三避世客避世
非避秦樓心煉精魄春田自耕刈衣食無需索風動棕
花落雨過藥苗摘鶯啼林木秀犬吠暮空碧居然衆山
中遂與衆山隔坐久恐迷誤歸路誌前石白雲洞口深
似杜重來跡

又

國朝 潘 錦

桃源洞口翠微生數畝桑麻近可耕漫訝年來高遁小
幾人風味似雲卿

又

張彬

徑轉山深一問津
幾時曾住避秦人
空餘洞口寒溪水
長泛桃花不記春

又

王梓

仄徑高低亂石斜
幽尋直欲到山家
草荒門掩無鷄犬
一樹夭桃自放花

陽回氣轉正當春
小隊閒行一問津
九曲幽深風景異
時平不見避秦人

小桃源和王明府造菴韻

董天工

斧劈巉崖石徑斜
小橋橫渡到山家
丹風血色三秋艷

勝似夭桃二月花

高歌赤鳳小陽春可有劉郎來問津
數畝桑麻風太古
桃源不似武陵人

陷石堂

宋歐陽光祖

七曲溪邊古寺基石塘
春水綠漪漪澄波不見招提影
只有山光似舊時

又

明曹學佺

風光疑與武陵同
陷石叢陰路不通
犬吠斷雲宣浦口
水流殘葉過橋東
桑麻已熟蒼茫外
天地重開混沌中
莫謂逢秋搖落盡
丹楓千樹勝桃紅

又

徐燧

綠溪下復登山色翠層層洞以水流開石從雲壓崩落
花魂卧艸空樹腹吞藤漸覺非人境風光近武陵

又

藍智

萬壑雲連岫雙崖石關門乾坤山寺改風雨草堂存野
水通樵徑林花覆酒尊幽禽自來往清景似桃源

石堂懷逸

有引

方以智

元有霍童陳普隱居武夷石堂私淑考亭多以六
經作韻語曰石堂文集嘗以道無大小精粗權歌
一首總寓其旨九曲歌乃進道之火候也因頌曰
九野寒威閉六陰一川風月伴瑤琴鼓樓巖下人
如玉說與漁郎仔細尋其時清江杜清碧亦隱武
夷嘗選谷音可知其意今志皆遺之石堂即小桃

源宋名石堂寺巖
崩爲門今從此入

石堂爲宋寺崖墮作橋門內有桑麻地儼然松竹園霍
童曾隱此權曲與誰言風月瑤琴伴難忘一壑恩

陷石堂尋石穴中佛像

陳省

雷驅神斧鑿玲瓏面面奇巒玩不窮石藏何緣饒色相
須知佛國本來空

玉版巖在小桃源東蓋其左壁也

小桃源所倚七曲峯巒爲多而門徑逼近蒼屏是以
諸志皆隸六曲李懷之載入七曲似於權欽不符故
仍舊志

溪南

響聲巖在丹爐巖左下連上分溪逼其趾遊人於馬蘭洲
隔岸笑語聲輒響應巖頂甚圓亦名鉢孟巖土人呼爲
下城高上有庵稱下城高庵中有同松堂又有觀瀑樓
正看胡麻澗瀑布文公書扁曰溪山第一巖之東麓路
溪處各梧岡與隔溪伏虎巖東西相向溪濱有石曰規
石是曲之在溪南者止此一峯文公題刻在焉遊人至
此未有不停舟登覽者

〔老鴉石〕在響聲巖下溪中其旁有灘名老鴉灘水勢極
迅疾稱險

巖石刻字

五言詩
卷之二
巖刻

仙掌峯刻○壁立萬仞萬曆乙酉夏長樂陳省書○仰之彌高萬曆丁亥春吳

與沈儼外題○雲間翰撰張以誠西蜀給諫徐紹吉以萬曆

壬子秋典試來閩同日游此邑令曲阿處大復職○仙

掌峯李卷書○見石面

天遊橫刻○天遊門東廓書○崎嶇工○一覽臺

響聲巖刻○逝者如斯晦翁書○六曲岩屏遶碧灣
訪終

日掩柴關客來倚棹巖花落猿鳥不驚春意閒○何叔

京朱仲晦連嵩卿蔡季通徐宋臣呂伯共攝叔昌范伯

崇張元善淳熙乙未五月廿一日○淳熙戊戌八月乙

未劉彥集獄卿範叟廖子晦朱仲晦來上三條俱文公手書○蔡

杭自江左移憲浙東便道過家泛舟九曲積雨新霽山
川呈秀哦咏而歸同遊者謝元龍蓋簡子蔡勳吳戟唐
復子公亮侍時淳亥仲春望○開禧丙寅孟冬六日章
貢曾榮樂道之官臨汀泛舟來遊黠侍行○泰寧鄒應
傳景仁浦城周伯圭玉城弋陽陳榮忱父嘉定甲戌二
月己未同遊○至元庚寅重三節蜀人毋逢辰督修武
夷書院畢偕趙必社安天民趙若羅元豫詹光祖彭文
甫劉應徐來觀文公題刻○至元庚寅臘月八日古桂
石壁徐夢奇德麟詣武夷拜謁文公祠下翼日與院教
詹光祖泛舟九曲徧覽仙迹同遊宋夾章德馨後至者

蕭九成期而不至者熊禾○嘉靖庚子八月三日甘泉翁若水來○明嘉靖壬寅端午日陳暹馬森柯尚德來遊時李廷臣監深苑炫黃源蓋坊祠築○隆慶庚午冬余自京來監君坊邀遊九曲步家君題處計有九年矣三山馬笑書○萬曆癸未二月長樂陳省自楚掛冠入武夷結雲窩丙戌冬復至越丁亥春夏時偕同志晉江王生賓南黏生鍾崑兒子長濟覽朱晦翁逝者如斯字景賢講德徘徊石上不徒愛其書也識之○空谷傳聲

陳省
書

七

四

山

水

分

是

上

圖





七曲圖說

七曲三仰爲武夷第一高峯從舟中望若天際而趾不臨溪且遊人多至天遊而止故登之者甚少僉自此以上雖多陡迅潮流牽挽頗艱若遇舟則夾岸群山飛過而過不禁咏青惜峯精之句矣

武夷山志卷之十三上

武夷董天工典齋編集男勣校刊

溪北

三仰峯三層峯左三峯疊起狀如石磴首皆東顧俗呼第一峯爲大仰第二峯爲中仰第三峯爲小仰又以第三峯爲一仰中爲二仰上爲三仰陟其頂四虛無際遠眺可數百里武夷諸峯離奇萬狀皆如指掌如槃匱即天遊亦在俯視但是峯見山而不見溪較天遊所居稍偏耳

路徑一從鑄錢巖陟小嶺右旋復左折至碧霄洞一從三隱臺後踰小嶺陟其巔一從章堂一從棠嶺皆就峯

之皆以登

詩

三仰峯

明劉伯躍

千尋凌碧漢層疊似丹梯地僻松巢鶴林深鹿引麝閒
雲迷石罅細溜濕苔蹊無那幽人興探奇恣品題

又

邱雲霄

碧霄洞在三峯頂萬丈雲梯步步寒客到仙桃幾回熟
歸來忘却舊時餐

原注石洞頂產桃一株根盤石上樹僅三尺歲結實百餘顆

登三仰峯

康萬駒

飛磴躡層巒婉轉蟻在磨天宇何寥廓舉首虛空破指
點高鳥脊攢峯不足跨忽見數峯黑仰視片雲過涼颼

萬里來塢忘時深夏解衣坐松根呼吸通帝座岩堯
月巖溪源出其下明滅煙靄中蜿蜒走巘嶺憶昔登華
頂天末黃河湧置身萬仞巔始覺乾坤大

三仰峯

國朝倪天翰

峯連三疊插空斜白日寒生翠影遮石徑多經新玉斧
井泉尚湧舊丹砂沉沉鋪綠雲中樹片片流紅洞口霞
到此幽深無俗物春風常笑碧桃花

又

董天工

曾到天遊路百盤三峯疊起勢噴岍琳宮咫尺乾坤小
貝闕攀躋日月寒仰視滄溟紅錯落俯瞻丹壁翠凝團

巡簷不盡古今意煉石何人遺灶丹

〔碧霄洞〕在小仰半壁深四五丈高廣半之壁間勒字曰
武夷最高處洞旁有井傳爲白玉蟾丹井又有丹竈在
中仰國朝會稽周士芳結茅修煉於此有傳詳隱逸

遊碧霄洞

明何元述

三仰峯前瞰碧霄
餘衍石室望中遙
紫迴磴道披雲上
顧盼仙人跨鶴招
白日洞天無俗轍
黃精山雪長新苗
憑虛九曲歸眉睫
灝氣蕭森近泐寥

碧霄洞

何其漁

石橋宛轉竹檀欒
松露侵衣夜未乾
三十六峯秋一色

碧雲吹出洞蕭寒

又

國朝
釋道瀟

古洞凌霄孰與齊
依山晦跡結招提
閒來一望蒼茫際
三十六峯費品題

又

董天工

武夷何處高碧霄
近河漢星辰手可摘
北斗曜璀璨洞壑
三五尋高廣造相
半傳昔有仙人棲
此靜修鍛九轉仙
丹成青砂紅燭爛
抵今世代殊尙遺
古井榦青松鬱鬱
蒼月照金光燦綠
竹蕭蕭翠風吹玉
葉漫山鳥窻前飛
王孫戶外翫興遊
來此地心眼豁一
旦

碧霄道院在碧霄洞前今廢小仰前面陡立土人呼爲老君巖其下有馬鞍石吳竹憲正理塋于峯麓

碁盤石在大仰峯腰平坦方正相傳昔有仙人對奕於此

詩

碁盤石

朱晏殊

洞仙遺下石碁盤人到壺天靜處看十九路誰彈黑界幾千年自帶雲寒面平可布流星勢塵淨元無舊薛殘乾霄聲中聞子聲不知還許採樵觀

三隱室在三仰峯右臺上有知白庵萬曆初道士黃合賢觚明末張鼎出者棲此後燬於兵順治十七年道士

虞善長重建邑令韓士望扁其樓曰積翠樓庵右又有
仰雲庵萬曆中建道士王文宗重修

三隱臺

國朝僧成能

大吹孤巖頂人行萬木中山廬餘古隱溪路恨難通清
切墻頭月蕭疎竹外風草牀天地曠夢上碧霄空

仰雲庵

一室懸天半乘雲獨去尋靜看花解語孤坐鶴知心曲
水晴分細烟嵐晚共深明朝何處客總在數山陰

蘿庵三隱臺麓國朝僧成能建自仰雲庵右降嶺及此
深筵茂林境甚窅緲

蘿庵

國朝 王復禮

七曲幽棲逸興濃
薜蘿深處隱孤蹤
石藏巖下如蹲虎
松影潭中似卧龍
得句推敲乘月色
煎茶品第對花容
終年著述勤鉛槧
屐屐何時得過從

象峯 三仰峯後近峯曰紫崖旁有雲門庵國朝僧超朗
建新立峯名

路徑自茅岡
嶺盤繞而北

象峯

國朝 僧克信

茅茨小結白雲端
幽徑深深竹萬竿
翠影拂簷塵不染
清陰蔽日午猶寒
池添梅雨新波漲
枕落松濤好夢殘
莫道孤峯難養拙
野芹園莧足盤餐

雲門庵

余攀

縱步踏雲根花香碎屐痕壁樓成繭架風閣俯星村曙
入千峯醒嵐生滿谷昏陸離看不盡三宿懸山門

宿雲門

吳亦璘

可憐烟火亦神仙寒暑無分一樣天獨有夜深堪笑惱
白雲來與客爭眠

(三層峯)又名三疊峯俗名紗帽峯三仰前稍右偏而居
天壺峯之左層巒巖嶨將雨則雲絮滃起欲霽則先開
土人以驗陰晴不爽其下爲六曲小桃源峯之背日鑄
錢巖左近有石曰忘歸石

路徑一從小桃源右峽陟小嶺至其第二層一從八
曲涵翠巖右壁循小徑亦至第二層一從鑄錢巖登
三梯及第三層頂

三層峰為小桃源之後昇前志皆云在鼓子峯後迹
之竟屬烏有又云碁盤石在其左則更訛三層為三
仰矣今從李
志訂正之

三層峯

宋李綱

三疊靈峯氣象高噴雲洩雨不崇朝懸崖峭壁無人到
只恐峯頭是碧霄

又

翁彥約

峻嶒三壘倚青冥霧宿雲飛自有程靈境只因通造化

故教人世驗陰晴

又

明鄭鎬

宿雲驚散上方鐘露出三眉石累峯不是青蓮居士在
何人放出玉芙蓉

鑄錢巖

邱雲霄

點石爲金日功成上紫宮如何丹竈火傳說鑄青銅

東華巖紗帽峯後依三隱臺畔國朝僧道滿傍巖構庵
曰介石庵地亦幽僻

介石庵

國朝僧道滿

上築東巖最上巔一止一壑自悠然屋因盤石棲踪跡

楊倚長松度歲年，遯世方知閒裏趣。
耽詩不碍靜中禪，從今謝却塵囂事。
占得名山任嘯眠。

〔天壺峯〕三層峯，右立於北廊巖後，而高倍之。峯腰有洞，曠朗可居。峯下巖巒環合，中爲天壺道院，又名天壺觀。杜清碧爲書扁，今廢。有石泉，坎俗傳白玉蟾浴丹，其中明末文永昌以孝廉守蜀中，後隱天壺，卒塋峯側。路徑一從小桃源口，踰北廊巖，背至觀故址，一從八曲桃花澗北，踰小嶺，循卽官巖頂，至天壺峯。

〔詩〕

天壺

宋 徐 幾

老松壓石洞門雙，青蘿曳樹羣雲影。
天然物外清修地，

巖頭殘月沉丹井

題天壺道院

明 詹子清

雲羅峯頂隱天壺一段幽奇世所無
露冷仙桃霜後實花開花落異玄都

又

陳觀

絕巘參差翠色連白雲一逕入壺天
客來不屑求丹井惟愛新茶煮石泉

天壺峯

楊仕傑

壺裏乾坤別神仙自有家巖高擎日月
地僻鎖烟霞鐵笛一聲響碧桃千樹花
風燈與泡沫回首總堪嗟

遊天壺觀

鄧遷

天上風烟別壺中日月長乾坤開一竅巖洞曜三光昔
有飛昇者于焉建室堂列星輝戶牖落月照迴廊悉納
一壺裏且入懷中藏隱顯不可測將翔復將翔日暮陟
仙岵懷思春草芳斯人不可見俛仰水雲鄉

又

屠隆

千峯迴合一峯孤雲構崔嵬爽氣扶天意直令開玉界
人來直擬坐冰壺虛亭半是長松蓋丹席全將瑤草敷
更有清泉常不涸冷然相共飲醞醕

天壺峯

國朝 董勣

絕磴諸峯拱玲瓏碧玉圍堦前日月轉洞裏乾坤開古
殿虛生白懸崖雨滴斑長房如到此錯認壺公攀

北廊巖天壺峯前俗名八籬巖巖後有梨花架其左與
六曲蒼屏鄰沿溪橫立長壁斜覆如廊與南岸太姥城
高相對巖後有石名將湖石巖趾有庵曰金雞社禱祝
靈應溪中有上水龜石

北廊巖

明 盧誠甫

獨眺北廊巖爰此神仙宅一望何杳冥數峯標雲白地
古木石幽延袤數千尺真人茲巖棲宴坐閱朝夕飛鳥
狎遊人遠山帶殘碧伊予耽素立窮幽隨所適何當凌

太清願借雙鳬舄

又

國朝邱捷

迷漫風烟疊翠巒
壺中日月幾人看
北廊巖下神仙宅
瑤草琪花浥露漙

上水龜石

明陳省

別却清流欲上山
那知山上更間關
儘教什襲藏靈骨
爭似塗中曳尾閒

琅玕巖天壺峯右俗呼郎官巖徑極陡險崖畔翼以欄
杆又呼欄杆巖實以竹多而名有宋李剛詩

詩

琅玕巖

宋李綱

王府鏘鏘玉笋林誰從淇隈種巖陰斑斕猶帶當時籜
照水籠烟幾百尋

琅玕巖

國朝董勅

誰把渭川千戶移名巖生色綠漪漪浮筠昔逮子猷宅
解籜今依玉版師最愛空山疎雨滴尤宜古洞晚風披
可能結實如雞子引入青鸞舞翠枝

桃花澗自鼓樓坑委蛇而來出琅玕北廊之右入於溪
循澗而入半里許有橋名通仙橋

詩
桃花澗

國朝張蚩蚩

桃花遶澗挹香塵正可招尋物外春逐水莫教千片去

傍人應遣萬株新敢言道士還留咏恐誤漁郎再問津
愛此山中風景好誅茅原不爲贏秦

〔鐘模石〕琅玕巖前圓聳數丈類鐘形舊志云在鼓子峯
後謬矣傳木虛詩石如鐘鼓兩巖開句竟分鼓子之一
峯當之蓋爲舊說所誤茲從李志正之

〔詩〕

題鐘模石

宋 劉子羽

誰鑄三鐘樂乳形不須筭簾自能鳴仙君欲奏賓雲曲
只感清霜便發聲

又

明 邱雲霄

鐘隨仙去尙存模誰奏鈞天入絳都日月洞中幾昏曉

因風吹落數聲無

又

國朝董天工

誰是發深省清晨曉鐘肖形倚壑立水擊聲琤琮

翠虛庵

又名三敲庵鐘模石前今廢

徐至載天
存峯下誤

百花莊

在猴藏巖下洲渚間四時花開爛熳因名昔黎

道人隱此勒百花莊三字於溪邊石壁國朝庠生董天

星築室重建扁其室曰起雲居各其樓曰凌霄樓莊前

爲百花原

猴藏巖
見八曲

按國朝陸志誤謂溪南烟際石爲百花巖因誤石前
和尚洲爲百花原蓋緣李懷之謂黎道士刻猴控石
左壁百花莊三字非其地也查明時徐志衷志俱載
八曲溪北今從改正但溪勢屈七曲猴藏巖雖隸八

曲而百花莊在巖下洲渚
獼控石左亦應載入七曲

歌
百花莊放歌

明王應槐

桃花紅李花白春到般般開顏色洞中仙主宴群仙管
領東風吹不得三十六峯何處村武夷便是武陵源欲
尋漁父無舟路惟見桃花開滿園憶昔洛陽買花人姚
黃魏紫總皆春車馬紛紛爭富貴何如棲隱曲溪濱曲
溪傳說多仙子不愛繁華植桃李羅浮擎得一枝來種
向仙家白雲裏先春壓倒百花莊笑殺人間紅與紫
獼控石溪濱石有數孔內皆相通云獼祭魚時出入其
中是處爲七曲之尾有灘曰獼控灘石北有牛度嶺嶺

上石似獅土人呼爲上水獅石旁溪中有禪笠石海蚌石下水龜石嶺北石上國朝僧性彌建庵於此名金石額控諸志皆載八曲李懷之辨云溯流過額控石溪勢始折而左額控猶是七曲此有目所共覩也舊志因石壁勒有八曲字遂隸八曲不知此二字蓋緣過此以往北岸無臨溪可受字之石而南岸則激湍陡險爲舟楫之所不由故勒於此前人不遇畧指其大概而編志者因而泥焉禪笠諸石亦隨額控而誤雖零星小石無足重輕而溪曲畛域不可不分明也

溪南

太姥巖卽六曲響聲巖之左肩削崖屹立古志稱皇太姥母子居此近志皆軼不載

城高巖太姥巖左卽五曲仙跡巖之背也亘數百丈若

垣墉四面陡壁懸梯而上前後俱臨溪土人呼響聲巖
爲下城高此爲上城高表志稱神臯巖謂爲仙靈窟宅
也上有庵名城高庵明末僧聖慈建或曰自古有庵嘉
靖間爲風雷所毀今庵乃重構者

詩

城高巖小酌

元常允恭

溪上春深花亂開山中無處着纖埃歷將王霸從頭數
幾見神仙換骨來石湧白波驚灩澦雲開丹壁即蓬萊
道人酒熟能招飲野褐重來更莫猜

放生潭城高巖下宋端平元年天中節奉旨建醮放生

於此全溪九曲並禁捕魚

江志偶
潭爲池

巖石刻字

小仰峯刻○武夷最高處

萬曆己酉東莞林培書

懶控石刻○百花莊

八

四

山

水

分

是

生

圖



石兒嶺

環佩岩

三教亭


石西

香岩

居環衛

石康小

大廣石



八曲圖說

鼓子兩峯如雙柱擎天遠即見之上芙蓉灘山勢漸開溪流雖急境則轉而豁朗峯麓或陂陀以赴溪視諸曲之截然立於水際者又另一面目也

武夷山志卷之十三下

武夷董天工典齋編集男勅校刊

溪北

鼓子峯從七曲三仰右麓綿延而西綠茅幹嶺達鼓子雨
峯駢立凌漢摩霄明司馬趙孔昭更名金蓮峯在本曲爲
最高而不逼溪岸附近峯巖皆左右侍焉半腰有石扣之
如鼓聲土人呼爲石鼓半壁石罅有虹板仙蛻倚崖爲屋
名石鼓道院峯前有巖曰猴藏巖又有庵曰碧虛庵今廢
石鼓道院鼓子庵巖半飛樓一派殊高敞可以遠眺溪
山初爲道院唐侍宸王文欽修煉之所明弘治間毀於

大嘉靖時邑人江子靜者乘月躋峯頂云得丹訣遂重
構室於此曰棲仙館後改爲庵趙司馬復易名蓮子庵
內有亭曰迎仙亭又有雲影池拂雲石

路徑一沂桃花澗左旋渡澗遶龍吟庵左踰嶺至紫
芝峯背環本峯行至鼓子庵一從三教峯麓踰嶺石
旋經猫兒石環佩巖至庵前

詩

登鼓子峯

明 邱雲峯

自嘆尋仙第幾迴每逢柯斧出雲隈峯頭石鼓無人奏
寂寞空壇猿鶴哀

又

徐燭

芒鞋歷過翠微巔
修竹陰中別有天
洞隱黃冠皆淨侶
巖封白骨盡飛仙
石當罅處精廬構
路到窮時棧道懸
夜靜焚香同禮拜
步虛聲散一爐烟

又

陳鳴鶴

千盤鳥道白雲隨
來往雲中鳥不疑
蛻骨盡封巖缺處
虹橋斜接路窮時
空壇禮斗燒松葉
疊屋凌霄葢木皮
一自吳公騎鶴去
青山何地有靈芝

又

國朝僧衍操

石磴攀蘿上嶺欹
有路通峯高長近
日樹老慣吟風樓
閣雲霄外溪山指
顧中漫言仙境寂
靈鼓自逢逢

吳公洞鼓子峯右天成一洞外隘中寬可容數十人相傳爲吳道人修煉處洞右小穴遺蛻猶存

吳公洞

明杜圻

洞天眞境異凡間擁翠流雲面面寒千古吳公遺迹在青霄不見鶴飛還

宿吳公洞

王會

千崖萬壑暗蒼烟洞裏吳公殺小天偶逐樵人成夜宿頓驚歸日已千年

石鼓書堂在峯麓宋樞密葉夢鼎建侍讀葉采亦嘗居此稱鼓子書堂久廢

謝烈婦碑 大書謝烈婦死節處

王志云李懷之稱鼓子峯有是碑而未載其事余訪諸藍族偸得謝氏死節年月始末爲立傳於志中及往遊無是碑

鼓樓巖鼓子二峯高據嶺際其前皆亂石羅立乃本曲臨溪之峯巒也是巖居七曲琅玕巖右而涵翠巖之左壁立桃花澗側峻拔千仞巖溜飛灑如雨皆落澗中又名滴水巖白玉蟾雲窩記謂有詹仙人曾居於此國朝謝氏投崖盡節處半壁有洞名鼓樓洞弘敞可容數百人沿岸徑險俯臨深潭其下名鼓樓坑洞中有桸木樓詳見古蹟考路徑踰通仙橋右折桃花澗繞琅玕巖半里至巖下

詩

鼓樓巖

宋李綱

洞天擊鼓集群仙
石作高樓鎖翠烟
萬籟不鳴霜月曉
夔夔猶聽鼓聲傳

又

元陳普

九野寒威閉六陰
一川風月伴瑤琴
鼓樓巖下人如玉
說與漁郎仔細尋

又

陳夢庚

求仙曾誤幾英雄
祗爲沉迷利欲中
安得樓頭一聲鼓
頓教凡世醒盲聾

又

明鄭鎬

溪山勝槪重重出，鍾鼓樓臺面面開。
試問瑤池歌舞罷，馮夷蕭史幾時回。

獨善堂在鼓樓坑宋隱士熊蕃建今廢

詩
獨善堂

明熊之璋

雅負匡時畧，如何老一丘。
舉朝方泄泄，行路總悠悠。
遂抗冥鴻志，閒隨野鹿遊。
我來千載下，芳躅尙堪求。

兩巖書堂在鼓樓坑宋吳世卿建後改兩巖道院今廢

八曲山房明黃太守世忠建今廢

詩
題屏周八曲山房二首

黃道周

掌崖吞吐百花原，領畧諸峯此獨尊。
夾道宛然通帝闕，

扶橋偶爾得仙源經年蒼蘚長迷路信日遊人不到門
況有乳泉堪洗耳不愁芳草滯王孫

旅客空招猿鳥愁道人何意此重遊書從數閱方知妙
山自頻過益覺幽遺蛻仙翁長啟齒含花柚子漸垂頭
滄桑世界紅塵外漫說麟鸞十二洲

涵翠巖

活水洞在鼓樓巖右半崖三石洞萬曆間山

人謝智闢而居之董少司空應舉有謝洞記勒石李中
丞材爲題涵翠巖三字勒壁智號活水人因稱其洞曰
活水洞後爲董司空別業明末支刺史永昌亦棲遁於
此

路徑沂桃花澗踰小嶺右旋至巖之半腰及洞

謝洞記

明董應舉

凡洞以石勝處勢高者尤奇然未有斲雲膚剝石腹橫絕天際側窺日月如謝洞之奇者謝洞在武夷八曲三仰峯之南阻深幽夔絕地千尺時齊雲翼天壺鼓子諸峯竅穴高下傾側穿受猿猴所宮一種茶者迹之以告山人謝智智曰是可施吾巧乃躡虛窮境召工開鑿高下因勢構設爲洞三而最上一圓洞其規如月牖明吐陰景光吞射廣寒清虛不在天上予從八曲溪中望而異之疑鬼物所爲殆壑船機巖類耶不然何以能憑空

建立或曰此爲謝山人洞遂從輿夫紆折盤上騰峻凌
險行於木杪極西而抵其址緣絙下視鳥墜雲委驚顧
詫躍謂是仙游於是宿其最上洞者四日留而不能去
命日月窟名其下曰雲巢予謂謝智道以自然爲宗子
之琢削乃及於巖谷智笑而應曰修道以仁予聽其言
故記之智年十二而孤長齋至長嘗學立於葉道者學
醫於黃生學致良知於王龍溪錢緒山學禪於萬雲陽
最後學止修於李見羅見羅名其洞爲涵翠洞吾家叔
曾曾修業於此故知謝智爲詳智號活水人呼爲活水

洞

圖

歷鼓樓巖之活水洞

明張于望

山山巖穴互相依九折半腸倚夕暉亂石生雲雲作石
流雲欲駐石還飛

活水洞觀董司空記

徐延壽

觸暑携雙屐行行不記程磴高開着步泉細暗流聲雲
吐千峯暝天開一穴明司空棲息處石上有題名

潮音洞在涵翠巖左前有友竹亭萬曆間邑紳彭維藩
建今廢

紫芝峯鼓子峯左屹然高聳半腰有石形類芝曰靈芝
石下一石鵠立曰觀音石渡桃花洞上流踰小嶺可三四里至峯下

〔龍吟菴〕在峯之左麓巨石參差松篁交蔭稱幽勝之區
明季僧眞峯建崇安諸生王葵嘗寓此

〔龍吟菴〕

國朝僧成能

磊落欺人世幽寒載綠陰客非携雨至壁欲吐雲沉遠
樹草同細虛堂竹共深蕭蕭萬籟寂因見子猷心

〔環佩巖〕鼓子峯右相傳於此聞環珮之聲故名巖右有
貓兒石遠望類貓又有人面石大小相向如人面雍正
七年僧竺民新創雲峯庵於貓兒石右

〔三教峯〕環佩巖右巖巔三石聳拔因各峯際有三教菴
三層閣下有香爐石

笋洲三教峯前濱溪寬平里許宋吳秘閣達建麗澤堂
于洲上久廢國朝庠生董益勲築室于巖際名其室曰
倚環居扁其亭曰一川風月洲前有灘曰芙蓉灘

笋洲

明陳謹

未便成淇澳應知是笋洲錦綳初出角玉版已先抽翠
色凝千畝蒼烟拂一丘叅天如有待終結鳳凰儔

溪南

烟際巖又名玉蕤峯溪南五曲晚峯之背圓整峭拔

徐志作細絲石殊無意義表志作烟際謂其高拂烟霄
而細絲蓋傳寫之訛矣李懷之又名玉蕤峯

大小廩石在烟際巖左二石臨溪而立形圓如困地名

廩江宋孝廉詹先野嘗隱於此

詩

大小廩石

宋李綱

仙家何事也儲根石廩團圓曲水傍應駕玉龍耕紫石
瓊芝千畝箇中藏

廩江夜泊

詹義

仙廩巖前繫小舟娟娟明月照清秋仙人一夜吹長笛
三十六峯雲盡收

廩江

詹先野

武夷溪九曲曲曲可垂釣自得溪山樂何須公與侯

魚磻石與笋洲相對

巖石刻字

鼓子峯刻○並蓮峯

大字又有記云

余同分守少叅金臺吳子甫

分巡僉憲姑蘓袁抑之泛舟武夷之曲遙見兩峯並峙
詢諸舟人曰此鐘鼓峯其形不類遂易之曰並蓮麓有
僧屋數椽即名鼓子庵亦爲易之曰蓮子蓋庵依山而
立亦因山而名山之各更則庵固當從之而僧居其中
果能妙法蓮花以光沙門又非余名庵之益與守巡氏
曰可遂書之皇明嘉靖甲寅巡按監察御史邢臺趙孔
昭識

活水洞刻○涵翠巖

李材書

○活水洞